



Eystein Opdøl

6620 ÅLVUNDEID

Løyve til felling av skadegjerande jerv i Trollheimen, Sunndal kommune

Vi viser til søknad mottatt i e-post 13.08.2014 og til telefonisk kontakt med Eystein Opdøl same dag.

For å hindre vidare tap av sau gir fylkesmannen løyve til å felle ein (1) jerv innafor den delen av Trollheimen som ligg i Sunndal kommune.

Det er knytt ei rekkje vilkår til dette løyvet. Desse er lista opp i slutten av brevet.

Heimelsgrunnlaget for vedtaket er lov av 19. juni 2009 om forvaltning av naturens mangfald (naturmangfaldloven) § 18 første ledd b) og § 77, jf. forskrift av 18. mars 2005 om forvaltning av rovvilt (rovviltforskrifta) § 9, jf. §§ 1, 3, 4 og 8.

Bakgrunn

Ved tilsyn av sau i Innerdalen er det observert at det manglar fleire lam. Det er ikkje funne kadaver som gjer at det har vore mogleg å finne årsakene til at lamma er borte. Observasjonar av ramn og havørn tyder likevel på at det ligg kadaver i området.

Dei siste åra har det vore dokumentert at jerv har vore ein vesentleg skadevaldar i dette beiteområdet, og tapa har vore høge. Vi er kjend med at Statens naturoppsyn (SNO) dokumenterte at det var jerv i området i vår utan at det var funne teikn til yngling. Søkjar har og fanga opp jerv på viltkamera utover sommaren. Observasjonane tydar på at i minst 2 ulike jervar kjem innom dette beiteområdet. Det gjer at vi reknar det for truleg at jerv kan vere skadevaldar i området også i år.

Forsøk på felling av jerv vil kunne redusere vidare tap i området, men det krev at ein lukkast med felling. Ut frå tidlegare års erfaring med fellingsforsøk på jerv i beitesesongen, er det sjeldan det lukkast. **For å hindre vidare tap av lam er det difor tidleg sanking av sauen som gir den sikraste effekten.**

I Rovviltnemnda sin forvaltningsplan er Trollheimen prioritert som beiteområde for sau og tamrein. Det er ikkje mål om å ha ynglande jerv i dette området. Det vil seie at dei 10 årlege ynglingane av jerv som det er mål om å ha i vår region skal vere i andre geografiske område. Med bakgrunn i desse vurderingane gir vi løyve til å felle ein jerv for å kunne redusere skadane i siste del av beitesesongen.

Reglar og grunnlag for iverksetting av felling:

I § 18 i naturmangfaldloven står det mellom anna følgjande om anna uttak av vilt og lakse- og innlandsfisk etter vurdering av myndighetene:

“Kongen kan ved forskrift eller enkeltvedtak tillate uttak av vilt og lakse- og innlandsfisk
b) for å avverge skade på avling, husdyr, tamrein, skog, fisk, vann eller annen eiendom,
Vedtak etter første ledd bokstav a til f kan bare treffes hvis uttaket ikke truer bestandens overlevelse og formålet ikke kan nås på annen tilfredsstillende måte.”

I §§ 8 og 9 i Forskrift om forvaltning av rovvilt fastsatt ved Kgl res 18.03.05 står det følgjande om kvote for og iverksetting av betinga skadefelling:

”§ 8. Kvote for betinget skadefelling av gaupe, jerv, bjørn og ulv

Dersom vilkårene i forskriften § 7 er oppfylt, kan en rovviltneemd tildele kvote for betinget skadefelling på gaupe, jerv, bjørn og ulv til fylkesmannen for å forhindre at disse artene gjør skade på bufe eller tamrein. Kvote for betinget skadefelling gjelder fra 1. juni til og med 15. februar.

Vedtak etter første ledd som gjelder ulv i regionene 4 og 5 skal fattes av rovviltnemndene i disse to regionene i fellesskap.

§ 9. Fylkesmannens myndighet til iverksetting av betinget skadefelling

Fylkesmannen kan av eget tiltak eller etter søknad fatte vedtak om iverksetting av felling for å forhindre fremtidig skade innenfor rammen av kvote for betinget skadefelling gitt av rovviltnemnden, jf. forskriften § 8, eller Direktoratet for naturforvaltning, jf. § 13. Fylkesmannen kan delegere sin myndighet til iverksetting av slik felling til kommunen i særskilte tilfeller.

Ved vurderingen av om det skal gis tillatelse til skadefelling skal det legges vekt på føringene i regional forvaltningsplan, jf. forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning. Det skal særlig tas hensyn til:

- a) områdets betydning som beitemark
- b) skadenes omfang og utvikling
- c) potensialet for fremtidige skader
- d) muligheten for å gjennomføre forebyggende tiltak.

Felling skal være rettet mot bestemte individer. Vedtak om felling skal være begrenset til et bestemt område, tidsrom og antall dyr. Det kan knyttes nærmere vilkår til fellingstillatelsen, herunder at bestemte typer dyr skal være unntatt, at felling skal foretas av nærmere bestemte personer, metoder for felling og utbetaling av fellingsvederlag og/eller dekning av påløpte utgifter med unntak av lønn mv. i forbindelse med felling. Felling og forsøk på felling i henhold til denne bestemmelsen gjennomføres uavhengig av grunneiers jaktrett, jf. viltloven § 35.”

Kvote for betinga skadefelling av jerv fastsatt av Rovviltnemnda i region 6:

Rovviltnemnda region 6 Midt-Norge har i vedtak 23. mai 2014 sak 12/14 fatta vedtak om kvote for betinga skadefellingsløyve for jerv. Fastsatt kvote er fem (5) individ i perioden 1. juni 2014 – 15. februar 2015. Det er per dags dato ikkje felt jerv på skadefellingskvota.

Fylkesmannen sine vurderingar:

Etter naturmangfoldlova § 7 skal prinsippa i §§ 8 til 12 leggjast til grunn som retningslinjer ved offentlig myndighetsutøving. Offentlige vedtak som kan påverke naturmangfaldet skal så langt det er rimeleg vere tufta på vitenskapleg kunnskap om artar sin bestandssituasjon samt effekt av påverknad, jf § 8.

Det er god kunnskap om jerven sin bestandssituasjon i Noreg, jfr. det nasjonale overvakingsprogrammet for rovvilt. Føre-var-prinsippet i § 9 blir difor tillagt lita vekt i saka. Fylkesmannen viser til forvaltningsplanen for rovviltregion 6, der det ikkje er mål om å ha jerv i den delen av fylket som denne saka gjeld. Det nasjonale bestandsmålet på 10 årlege ynglingar i regionen blir oppretthalde ved å ha jerv innafor jerveområdet i Sunndalsfjella og Reinheimen samt innafor dei utpeika jerveområda i Trøndelagsfylka.

Vi legg til grunn at vi ved å oppretthalde ein jervebestand i tråd med det nasjonale bestandsmålet for regionen, kan felle jerv utanfor dette området utan at det verkar inn på overlevinga for jervebestanden i Norge.

Den ordinære jakttida på jerv er frå og med 10. september til og med 15. februar. I denne perioden er det romsleg kvote på jerv i dette aktuelle området. Etter avslutta lisensfellingsperiode har SNO dei siste åra fått oppdrag frå Miljødirektoratet med å ta ut jervehi i område der det ikkje er mål om å ha ynglande jerv. I år har SNO effektivt to hiuttak i Trollheimen.

Konklusjon

Med bakgrunn i ei heilskapleg vurdering av situasjonen, vurderer Fylkesmannen i Møre og Romsdal at det ikkje ligg føre anna tilfredsstillande løysing i det aktuelle området enn tidleg sanking av sau og felling av jerv. Eit uttak av jerv er vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og § 4 i rovviltforskrifta.

Ut frå vurderingane ovanfor og med heimel i Naturmangfoldloven sin § 18 første ledd b) og § 77; jf. §§ 1, 3, 4 og 9 i rovviltforskrifta av 18.03. 2005 og vedtak fatta av Rovviltnemnda for region 6 den 23. mai 2014 gir fylkesmannen løyve til felling av ein (1) jerv i den delen av Trollheimen som ligg i Sunndal kommune.

Følgjande vilkår gjeld:

1. Dette løyvet er gyldig frå og med 14.08.2014 – til og med 09.09.2014.
2. Løyve til felling gjeld innafor den delen av Trollheimen som ligg i Sunndal kommune.
3. Det skal berre nyttast våpen og ammunisjon som tilfredsstiller krava til jakt på jerv, jf. Forskrift av 22. mars 2002 om utøving av jakt og fangst.
4. Alle tilfelle der det blir løyst skot mot jerv, uavhengig av resultatet av skotet, skal utan opphald meldast til kommunen, fylkesmannen og næraste politimyndighet, jf. § 27 i Forskrift av 22. mars 2002 om utøving av jakt og fangst. Fellingsleiar og deltakarane i fellingslaget skal ha avlagt skyteprøve for bruk av rifle til storviltjakt seinast i 2013. **Dei skal og vere registrerte som lisensjegerar**, jf. Forskrift om utøving av jakt, felling og fangst, av 22.3.2002, §§ 13 og 14. For melding til fylkesmannen skal telefon 480 22 090 nyttast (eventuelt 482 76 798)
5. Fellingsleiar er ansvarlig for at det ligg føre liste over alle som tek del i fellingsforsøket. Kopi av lista skal sendast fylkesmannen. For oppstart av fellingsforsøket ligg oversyn over fellingslaget ved i dette brevet.
6. Felling og forsøk på felling etter dette løyvet kan gjennomførast uavhengig av grunneigar sin jaktrett, jf. viltloven § 35.

7. Jerv felt i medhald av dette løyvet er viltfondet sin eigedom. Etter § 16 i Forskrift om forvaltning av rovvilt, skal jeger vise fram felt dyr for SNO for kontroll og prøvetaking så snart som råd etter felling. Jeger skal kunne påvise fellingssted dersom SNO, politi eller fylkesmannen ber om det.

Denne avgjerda kan klagast inn til Miljødirektoratet innan tre veker etter at meldinga er motteken. Ein eventuell klage skal stilast til direktoratet, men sendast om Fylkesmannen i Møre og Romsdal.

Med helsing

Ulf Lucasen (e.f.)
ass. miljøverndirektør

Ola Betten

Dokumentet er elektronisk godkjent og har ingen signatur.

Kopi:

Lensmannen i Sunndal	Åkergata 4	6600	SUNNDALSØRA
Statens naturoppsyn	Postboks 5672 Sluppen	7485	TRONDHEIM
Sunndal kommune	Postboks 94	6601	Sunndalsøra

Fellingslag:

Eystein Opdøl – fellingsleiar (91 32 31 99)

Jan Håvard Knee

Einar Snekkevåg

Fredrik Oshaug

Arne Opdøl

Nils Erik Lehne

Per Egil Reiten

Olav Lehne